



Nunatsinni ilagiit sinniiseqartarnermi atugassarititaasut qanoq pitsanngorsarneqarsinnaanersut pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Qujanaq Inatsisartunut ilaasortaq Aqqalu C. Jerimiassen siunnersuuternut.

Upperneq, upperisaq aamma anersaarsiorneq inuppassuarnut pingaaruteqartorujussuupput. Demokraatinut tamaattumik pingaaruteqarluinnarpoq upperisaqarnissamik pinngitsaalisaannginnerup aallaavigineqarnissaa. Kinaluunniit kiffaanngissuseqarpoq upperisaqarnissaminik sumilluunniit, tassani upperisaqannginnissamik kiffaanngissuseqarneq aamma pineqarluni. Tunngavik pingaarneq inuiaqatigiinni kiffaanngissuseqartuni, tamannalu eriagissavarput.

Qularutissaanngilaq, ilagiit kulturitsinni oqaluttuarisaanitsinnilu pingaaruteqarnerat pingaaruteqartuarnissaallu. Oqaluffik inuunermi pisunut pingaarutilerujussuarnut sinaakkutaasarsimavoq. Kuisinerit, katinnerit ilisinerillu kinguaariinni amerlasuuni oqaluffimmi pisarsimapput. Ileqqut kusanartut, sulii inuppassuarnut pingaaruteqartut, tamakkulu ataqqinnilluta akuersaassavagut.

Upperisarli inummut tunngaruttormat, aamma pingaaruteqarpoq ersarissumik oqassalluni, pissutsit oqaluffimmut tunngasuyt allanngorneri politikikkut qulaani aqunneqaratillu aqunneqartariaqanngitsut. Tunniusimaneq, peqataaneq soqutiginninnerlu naqqaniit pissapput. Pisortat suliasarinngilaat, ilagiit nuannarineqarnerunissaat, imaluunniit ilagiit sinniisaanni oqaluffimilu sulianut amerlanerit tunniusimanissaat.

Ikinnerit peqataassallutik toqqarpasuk, ajornartorsiutaasariaqanngilaq, politikikkut suliniuteqarnikkut aqqinneqarsinnaasoq aqqittariaqartorlu. Tamanna takutitsivoq, inuiaqatigiit allanngornerannik, aammalu inuit ullumikkut assigiinngitsunik toqqaasartut upperissamut inuunermullu isiginnittaatsimut. Toqqaaneq taanna ataqqineqassaaq.

Taamaattumik Demokraatit isumaqarput, pisortat tassunga oqaluserisamut tunuarsimaassasut. Pisortat sumik upperisaqarnissamik kiffaanngissuseqarnissamut assigiimmillu pinninnissamut sinaakkutit qulakkiissavaat, innuttaasulli upperisamut toqqaanerannut sunniiniassanatik. Kinaluunniit aalajangersimasumik upperisaqarnissamik sunnernerneqassanngilaq, toqqaannartumik toqqaannanngitsumilluunniit.

Imaanngilaq, oqaluttuarisaanerput imaluunniit kulturikkut kingornutagut tunussagigut. Kisiannili isumaqarpoq, kingornutanut ataqqinnineq politikikkullu upperisamut aqutsineq immikkoortissagigut.



Oqaluffik inuit namminneq kajumissutsiminnik tunniusimanagerannit ingerlassaaq, politikikkut
ajungisaarneq imaluunniit isumaqatissarsiornerluunniit aallaaviunatik.

Demokraatinut una oqallinneq taamaattumik oqimaaqatigiinnermut tunngassuteqarpoq. Kulturitsinnut
ataqqinninnerup aammalu inuit ataasiakkaat kiffaangissusaannut ataqqinninnerup akornani
oqimaaqatigiisitsineq. Oqaluffiup pingaaruteqaarnerata akuersaarnissaanut aammalu
nassuerutiginninnerlu, upperisaq peqqussutaasinnaangitsaq imaluunniit politikikkut aalajangikkat
aqqutigalugit siuaarsarneqarsinnaangitsaq.

Oqalliseqqinnissaq qilanaaraarput, aaliangiusimallutigu sumik upperisaqarnissamik
kiffaangissuseqarnissaq pingaarnertut tunngavittut aammalu ataqqillugu, upperisaq upperisamullu
tunnusimaneq qaqugukkulluunniit inuup nammineq toqqagassaringaa.